

四庫全書

集部

欽定四庫全書

集部

文苑英華卷二百九十八

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官中書_臣秦泉

謄錄監生_臣王思謫

欽定四庫全書

文苑英華卷二百九十八

宋

李昉等

編

行邁十

館驛附

館驛八十首

經望湖驛

韋

鎰

大漠無屯雲孤烽出亂柳前驅白登道顧失飛狐口遙
憶代王城俯臨恒山後纍纍多古墓寂寞為墟久豈不
固金湯終聞擊銅斗交歡初仗信接晏翻貽咎埋寶賊

夫人磨笄傷彼婦功成且行薄義立名不朽莫慎纖微
端其何社稷守身殘國遂亡此立人君醜

竹里館

盧象

江南水不閉山澤氣漸通臘月聞山鳥寒崖見蟄熊柳
林青半合荻笋亂無叢迴首金陵岸依依向北風

剡溪館聞笛

丁仙芝

夜久聞羌笛寥

一作寂

寥虛客堂山空響不散溪靜曲宜

長草木生邊氣城池逗夕涼虛然異風出髣髴宿平陽

題豫章館

崔國輔

楊柳映春江江南轉佳麗吳門綠波裏越國青山際
遊宦常往來津亭暫臨憩驛前蒼石沒浦外湖沙細向晚
宴疑且平孤舟同一作然逝雲留西北客氣歇東南帝
獨有萋萋心誰知怨芳歲

閒齋卧疾行藥至山館稍次湖亭

常建

旬時結陰霖簾外初白日齋沐清病客心魂畏虛室閑

梅閣

戶明鏡悲舊質同袍四五人何不來問疾行藥
至石壁東風變萌芽主人出門綠小隱湖中花時物堪
獨往春帆宜別家辭君為滄海爛漫從天涯

晚行次苦行館却憶于越舊遊

劉長卿

足馬風塵色千峯旦暮時遙看落日盡獨向遠山遲故
驛花臨道荒村竹映籬誰憐却迴首步步戀南枝

移使鄂州次峴陽館懷舊居 前人

多慙恩未報敢問路何長
萬里通秋鴈千峯共夕陽
舊遊成遠道此去更違

集作迷

鄉草露空山裏朝朝滿客裳

使還至

集作自

菱波

集作坡

驛渡瀨水作

前人

清川已再涉疲馬共西還
何事行人倦終年流水閑
孤煙出廣澤一鳥響空山
愁入雲峯裏蒼蒼閉古關

登松江驛樓北望故園

前人

淚盡江樓北望歸田園已陷
百重圍平蕪萬里何人去

落日千山空鳥飛孤舟漾漾寒潮小極浦蒼蒼遠樹微
白鷗漁父徒相待未掃攬捨懶息機

北歸次秋浦界清溪館

前人

萬嶺

集作里

猿頻斷孤村客暫依鴈過彭蠡暮人向宛陵

稀舊路青山在餘生白首歸漸知行近北不見鷓鴣飛

岳陽館中望洞庭湖

前人

萬古巴邱戍平湖

集作北

此望長問人何淼淼愁暮更蒼

蒼疊浪浮元氣中流沒太陽孤舟有孤客早晚達瀟湘

登金陵臨江樓驛

張謂

古戍依重險，高樓見五梁山。
根盤驛道，河水浸城牆。庭
樹巢鸚鵡，園花隱麝香。
忽然江浦上，憶作捕魚郎。

登楚州城望驛路十餘里山村竹林相次交映

李嘉祐

十里山村道，千峯櫟樹林。
霜濃竹枝亞，歲晚荻花深。
草市多樵客，漁家足水禽。
幽居雖可羨，無那子牟心。

自蘇臺至望亭驛人家盡空春物增思悵然有

作因寄從弟紆

南浦孤蒲覆白蘋東吳黎庶逐黃巾野棠自發空臨水

江燕初歸不見人遠岫

集作樹

依依如送客平田渺渺獨

傷春誰

集作那

堪迴首長洲苑烽火連

集作年

年報虜塵

宋州東登望題武陵驛

前人

梁宋人稀鳥自啼登艫一望倍含悽白骨半隨河水去
黃雲猶傍郡城低平坡戰地花空落舊苑春田草未齊
明主頻移虎符守幾時行縣向黔黎

題前溪館

前人

兩年謫官在江西舉目雲山要自迷
今日始知風土異
潯陽南去鷓鴣啼

宿洞口驛

集作官

錢起

野竹通溪冷泉聲入戶鳴
往來人不到寒草上堦生

石城館酬王將軍

郎士元

誰能繡衣客肯駐木蘭舟
連鴈沙邊至孤城江上秋
歸帆背南浦楚塞入西樓
何處看離思滄波日夜流

登鍾山館

耿韋

足馬宜春路蕭條背館心
澗花寒夕雨潭水黑朝林
野市魚鹽隘江村竹葦深
子規何處發青樹滿高岑

雲陽館與韓申卿宿別

司空曙

故人江海別幾度隔山川
乍見翻疑夢悲歡

一作相悲

各問

年孤燈寒照雨濕竹暗浮烟
更有明朝恨離盃惜共傳

題江陵臨沙驛樓

前人

江天清更愁風柳入江樓
鴈惜楚山晚蟬知秦樹秋
淒淒

涼多獨醉零落半同遊豈復平生意蒼然蘭杜洲

自平陽館赴郡

暢當

晨興平陽館見月沉江水溶溶山霧披肅肅沙鷺起奉
恩謬符竹伏軾省頑鄙何當施教化愧迎小郡吏寥落
火耕俗征途青冥裏德綏及吾民不德將鹿矣擒奸非
性能多愍會衰齒恭承共理詔恒懼墜諸地

宿荆溪館呈丘義興

嚴維

失落荆溪上依仁忽暝投長橋今夜月陽羨古時州野

燒明山郭寒更出縣樓先生能館我何事五湖遊

襄武館遊眺

韋應物

州民知禮讓訟簡得遨遊高亭憑古地山川當暮秋是
時秔稻熟西望盡田

一作平

疇仰恩慙政拙念勞喜歲收

淡泊風景晏繚繞雲樹幽節往情惻惻天高思悠悠嘉
賓幸得集芳樽始淹留還希習池賞聊以駐鳴騶

自蒲塘驛迴駕經歷山水

前人

館宿風雨滯始晴行蓋轉潯陽山水多草木俱紛行崎

嶠緣碧澗蒼翠踐苔蘚高樹夾浮流

集作
後

崩石橫陰巘

野杏依寒折餘雲冒嵐淺性慙形豈勞境殊路遺緬憶
昔終南下佳遊亦屢展時禽下流暮紛思何由遣

除夜宿石橋驛

已見一百
五十八卷

戴叔倫

彭婆館逢韋判官使還

前人

受辭分路遠會府見君稀雨雪經年去軒車此日歸暮
春愁見一作
更別久客順相依寂寞伊川上楊花空自飛

寓居武丁館

陳存

暑雨飈已過涼飈觸幽襟寓

一作噓

館無喧塵綠槐多晝

陰俯視古苔積仰聆早蟬吟放卷一長想閉門千里心

清溪館作

前人

指途清溪裏左右唯深林雲蔽望鄉處雨愁為客心遇人多物役聽鳥時幽音何必滄浪水庶茲浣塵襟

宿北樂館

陳閏

欲眠不眠夜深淺越鳥一聲空山遠庭木蕭蕭落葉時溪聲雨聲聽不辨溪流潺潺雨習習燈影山光滿窓入

棟裏不知渾是雲曉來但覺衣裳濕

喜皇甫大夫同宿大梁驛

釋清江

江頭旌旆去花外卷簾空夜色臨城月春聲渡水風也
知行李別慙喜話言同若問廬山事終身愧遠公

酬姚補闕南仲雲溪館中戲題隨書見寄

前人

寺溪臨使府風景借仁祠補袞周官貴能名漢主思卧
雲知獨處望月憶同時忽枉緘中贈瓊瑤滿手持

宿新安江深渡館寄鄭州王使君

朱長文

霜飛十月中
搖落衆山空
孤館閉寒水
大江生夜風
賦詩情有憶
沈約在關東

題嘉陵驛

武元衡

悠悠風旆繞山川
山驛空濛雨似煙
路半嘉陵頭已白

蜀門西更上

集作上更

青天

病中赴袁州次香館

楊衡

病輿憇上館繚繞向山隅荒葛漫歌壁幽禽啄朽株力
微怯升降意欲結踟躕誰能挹香水一為濯煩紆

小江驛送陸侍御歸湖上山 陳羽

鶴唳天邊秋水空荻花蘆葉起西風今夜渡江何處宿
會稽山在月明中

秋日送客至潛水驛 劉禹錫

候吏立沙際田家連竹溪神祠社日鼓茅屋午時雞雀
噪晚禾地蝶飛秋草畦驛樓官樹集作近疲馬再三

嘶

元和甲午歲詔書盡徵江湘逐客余自武陵祇
召赴京宿于都亭有懷續來諸君子

前人

雲雨江湖

集作湘

起卧龍武陵樵客躡仙蹤十年楚水楓

林下今夜初聞長樂鍾

三鄉驛樓伏覩玄宗望女兒山詩小臣斐然有

感

前人

開元天子萬年足唯惜當時光景促三鄉陌上望仙山
歸作霓裳羽衣曲僊心從此在瑤池三清八景相追隨
天上忽乘白雲去世間空有秋風辭

宿江館

集作
江驛

張籍

楚驛南渡口夜深來客稀月明見潮上江靜覺鷗飛旅
宿今已遠此行猶未歸離家久無信又聽搗衣寒

題褒城驛

元稹

見集
本

嚴秦修此驛兼漲驛前池已種萬竿竹又一作更栽千樹

梨四年三月半新笋晚花

一作牡丹

時悵望

一作思向

東川去等

閑題作詩

一作偶然題作詩

望亭驛酬別周判官

白居易

何事出長洲連宵飲不休
醒應難作別歡漸少於愁
燈火穿村市笙歌上驛樓
何言五十里已不屬蘇州

早發楚城驛

前人

過雨塵埃滅緣江道徑平
月乘殘夜出人趁早涼
行寂歷閑吟動冥濛
暗思生荷塘翻露氣
稻隴瀉泉聲宿犬

聞鈴起栖禽見火驚
朧朧烟樹色十里始天明

宿揚州水館

李紳

舟依淺浦

一作岸

參差合橋映晴虹
上下連輕楫過時搖

水月遠燈繁處隔秋煙
却思海嶠還悽歎近涉江濤更

凜然閑凭欄干指星漢
尚疑軒蓋在樓船

賈島

宿孤館

落日投春戍愁生為客途
春山晴

集作寒

後綠江月夜深

集作來

孤橘樹千株在漁家
一半無自知風水淨舟繫岸

邊蘆

泥陽館

前人

客愁何併起暮送故人回
廢館秋螢出空城寒雨來
夕陰飄白露樹影掃青苔
獨坐離容慘孤燈照不開

題青雲館

杜牧

虬蟠千仞劇羊腸天府由來百二強
四皓有芝輕漢祖張儀無地與懷王
雲連帳影蘿陰合

一作近

桃繞泉聲客

夢涼深處會容高尚者
水苗三頃百株桑

冬日五湖

浪集作

館水亭懷別

蘆荻花多觸處飛遊登

集作獨凭

虛檻雨微微寒林葉落鳥

巢出古渡風

浪集作

高漁艇稀雲抱四山終日在草荒三

徑幾時歸江城向晚西流急

集作曉東風急

無限鄉心

集作一半鄉愁

聞搗衣

商山富春

集作水

驛

驛本名與陽諫同姓名因此改為富沙驛

前人

益慙猶來未覺賢終須南去吊湘川當時物議朱雲小

後代聲華白日懸邪佞每思當面唾清貧長欠一杯錢
驛名不合輕移改留警朝天者惕然

和野人殷潛之

一作夫

題籌筆驛

前人

三吳裂婺女九錫獄孤兒霸主業未半本朝心是誰永
安宮受詔籌筆驛沈思畫地乾坤在濡毫勝負知艱難
同草創得失計毫釐寂默經千慮分明混一期川流縈
智思山聳助扶持慷慨匡時畧從容問罪師褒中秋鼓

角渭曲晚旌旗仗義懸無敵鳴攻故

集作固

有詞若非天

奪去豈復虜

集作慮

能支子夜星纔落鴻毛鼎便

一作漸

移

郵亭世自換白日事長垂何處躬耕者猶題殄瘁詩

宿黃花館

楊發

孤館蕭條槐葉稀暮蟬聲隔水聲微年年為客路無盡
日日送人身未歸何處迷鴻離浦月誰家愁婦搗霜衣
夜深不卧簾猶捲數點殘螢入戶飛

行次潼關驛逢魏扶東歸

已見二卷十八卷

許渾

宿望亭驛却寄蘇州同遊

前人

候館人稀夜更長，姑蘇臺遠樹蒼蒼。江湖潮落高樓迥，

河漢秋歸廣簾涼。月轉碧梧移鵲影，露低紅草

集作夜

濕

螢光西園時思應無限

集作詩侶應多思

莫醉笙歌掩畫堂

秋晚題雲陽驛西亭蓮池

前人

心憶蓮池秉燭遊，葉殘花敗尚維舟。煙開翠扇清風晚，
水泛紅衣白露秋。神女暫來雲易散，仙娥初去月難留。

空懷遠道無時贈醉倚西欄盡日愁

題白馬驛

薛逢

晚麥芒乾風似秋旅人方作蜀門遊家山漸隔梁山遠
客路長依漢水流滿壁存亡俱是夢百年榮辱盡堪愁
胸中憤氣文難遣強指豐碑哭武侯

題籌筆驛

前人

天地三分魏蜀吳武侯崛起贊訐謨身依豪傑傾心術
目對雲山演陣圖赤伏運衰功莫就皇綱力振命先徂

出師表上留遺恨猶自千年激壯夫

過馬嵬驛

溫庭筠

穆滿曾為物外遊六龍經此暫淹留
返魂無驗青煙滅

埋血空成

集作生

碧草愁香輦無

集作却

歸長樂殿曉鍾還

下景陽樓甘泉不得

集作復

重相見誰道文成是故侯

題望苑驛

東有馬嵬驛
西有相思樹

前人

弱柳千條杏一枝半含春雨半垂絲
景陽寒井人難到

一作見

長樂晨鍾曉

集作鳥

自知花影幾年

集作至今

通博望樹

名何世

集作
從此

號相思至今

集作
分明

十二樓前月不向西陵

照臧

集作
盛

姬

此詩第三百二十七卷英華誤作題端正樹詩詳

載後注

題松江驛

方干

便向中流出太陽兼疑大岸逼浮桑門前

一作
樹間

白道通

丹闕浪裏青山占幾鄉帆勢落斜依浦淑鍾聲斷續在

滄茫古今悉不知天意偏把雲霞媚一方

平望驛

張祐

一派吳興水西來此驛分路遙輕幾日身去是孤雲雨
氣朝忙蟻雷聲夜聚蚊何堪秋草色到處重離羣

洞庭南館

前人

一逕逗霜林朱欄遶碧岑地盤雲夢角山鎮洞庭心樹
白看烟起沙紅見日沉還因此悲屈惆悵又行吟

濠州水館

前人

高閣去煩燠客心遂安舒清流中浴鳥白石下遊魚秋

樹色凋翠夜橋聲杳虛南軒更何待坐見玉蟾蜍

題弋陽館

前人

一葉飄然下弋陽殘霞昏日樹蒼蒼葛溪

弋陽別名

漫漶干

將劍却是猿聲斷客腸

泊鳧磯江館

趙嘏

風雪晴來歲欲除孤舟晚下意何如月當軒色湖平後
鴈斷雲聲夜起初傍晚管絃何處靜犯寒楊柳遠津疎
三間茅屋東溪上歸去生涯竹與書

發青山館

前人

鳬鷺聲暖野塘春
鞍馬風高驛路塵
一宿青山又須去
古來難得是閑人

仙娥驛

前人

谿上郵亭氣早秋
樹邊溪色遶床流
行人亦羨郵亭吏
住向此中今白頭

題嘉泰驛

薛能

畫室可招魂
蠻餘出蜀門
電涼隨雨氣
江熱傍山根
蚕

月繅絲路農時碌碡村
干將磨欲盡無位可酬恩

題嘉陵江驛

前人

江濤千疊閣千層
銜尾相隨盡室登
稠樹蔽山聞杜宇
午煙曛日食嘉陵
頻題石上程多破
暫歇泉邊起不能
如此幸非名利切
益州來日合攜僧

下第後夷門乘舟至永城驛題

前人

秋賦春還計盡違
自知身是拙求知
唯思曠海無休日

一作處

忽喜孤舟似去時連夜一程兼汴水夾隄千柳雜

唐隋從來此恨皆前達敢負吾君作楚詞

淞河館

集作暮春山行田家歇馬

李郢

西濕菰蒲斜日明茅厨煮蠶棹車聲青蛇上竹一種色

黃蝶

集作燭

隔溪無限情何處樵漁將遠餉故田園土憶

春耕千峰萬瀨

集作露

水涵涵羸馬此中愁獨行

興州江館

鄭谷

向蜀還秦計未成寒蛩一夜遶床鳴愁眠不穩孤燈盡

坐聽嘉陵江水聲

宿山驛

張蟪

驛在千峯裏寒宵獨此身古墳時見火荒壁悄無隣月
白翻驚鳥雲閒欲就人祇應明日鬢更有老相親

經荒驛

前人

古驛成幽境雲蘿隔四隣夜燈移宿鳥秋雨禁行人廢
巷荆叢合荒庭虎迹新昔年經此地終日是紅塵

春日過壽安山館

羅鄴

舊國多將泉石親
西遊愛此拂行塵
簾開山色離亭午
步入香松別島春
誰肯暫安耕釣地
相逢謾嘆路岐身
歸期不及桃花水
江上何人繪雪鱗

宿彭蠡館

羅隱

孤館少行旅
解鞍增別愁
遠山矜薄暮
高柳怯清秋
病裏見時態
醉中思舊遊
所懷今已矣
何必恨東流

宿荊州江陵驛

前人

西遊象闕愧知音
東下荆溪稱越吟
風動芰荷香四散

月高

集作明

樓閣影相侵閒歌別枕千般夢醉送征帆萬

里心薜荔衣裳木蘭檝異時煙雨好追尋

籌筆驛

前人

拋擲南陽為主憂北征東討盡良籌時來天地雖同力
運去英雄不自由千里山河輕孺子兩朝冠劍恨誰周
唯餘岩下多情水猶解年年傍驛流

蓮塘驛

前人

蓮塘館東初日明蓮塘館西行人行隔林啼鳥似相應

當路好花疑有情一夢不須追往事數盃猶可慰勞生
莫言來去只如此君看鬢邊霜幾莖

商於驛樓東望有感

前人

山川去接漢江東曾伴隋侯醉此中歌繞夜梁珠宛轉
舞嬌春席雪朦朧棠遺善政陰猶在殢送哀聲事已空
惆悵知音難得見

集作覓
難得

兩行清淚白楊風

秋日泊平望驛寄太常裴郎中

前人

蘋洲重到杳難期西倚郵亭憶佳時北海樽中長

集作常

有酒東陽樓上獨

集作豈

無詩地清早負生靈望官重方

升禮樂司聞說江南舊歌曲至今猶自唱吳姬

文苑英華卷二百九十八

欽定四庫全書

文苑英華卷二百九十九 宋 李昉等 編

軍旅一

講閱三首

征伐十九首

邊塞五十四首

講閱

從齊武帝瑯琊講武應詔 沈約

九功播祧墀七德陳武縣展事昌國圖息兵由重戰皇

情咨閱典出車迨辰選飾徒映寒隰翻綏臨廣甸颯沓

佩吳戈參差腰夏箭風旆舒復卷雲霞清以轉一作雲霞清以

轉輕舞信徘徊前歌且遙衍秋原嘶代馬朱光浮楚練

虹壑寫飛文巖阿藻餘絢發震岳靈從揚旌水華變憑

高訓武則中天起迴眷鳳蓋掩洪河珠旗掃集作拂長汧

方待翠華舉遠遙瑤池宴

從駕觀講武

庾信

校戰出長楊兵欄入闕場置陣橫雲起開營鴈翼張門

嫌磁石礙馬畏鐵菱傷龍淵觸牛斗繁弱駭天狼落星
奔驥驟浮雲上驕驕急風吹戰鼓高塵擁貝裝駭猿時
落木驚鴻屢斷行樹寒條更直山枯菊轉芳豹畧推全
勝龍圖一作韜揖所長小臣欣寓目還知奉會昌

奉和杜員外扈從教閱

李嶠

杪冬嚴殺氣窮紀送顏光薄狩三農隙大閱五戎場菜
田初起燒蘭野正開防夾岸虹旗轉分明獸畧張燕弧
帶曉月吳劒動秋霜原啟前禽路山縈後騎行雲區陸

日羽星苑斃天狼禮振軍容肅威宣武節揚神心體殷
祝靈兆叶姬祥幸陪仙駕末欣採翰林芳

征伐

送北征

祖珽

翠旗臨塞道靈鼓出桑乾祁山歛雰霧瀚海息波瀾戍
亭秋雨急關門朔氣寒方繫單于頸歌舞入長安

同前

裴讓之

沙漠胡塵起關山烽燧驚皇威奮武畧上將揔神兵商

類聚
作高

臺朔風駛絕野寒雲生匈奴定遠近壯士欲橫行

南征

蘇子卿

一朝遊桂水萬里別長安故鄉夢中近邊愁酒上寬

鋒但須利戎衣不畏單南中地氣

一作
氣多

暖少婦莫

類聚
作早

愁寒

從駕送軍

沈炯

見類
聚

惟堯稱乃武軒后號神兵吊民資知勇治亂屬師貞我
君膺寶業歷駕視前英浦海方無浪夷山未有平星光

下結旆旒氣上舒精雲開萬嶺徹日麗百川明撫鼓山
靈應詔蹕水祇驚

奉報趙王出師在道賜詩 庾信

上將出東平先定下江兵
彎弧伏石動振鼓沸沙鳴
橫海將軍號長風駿馬名
雨歇殘虹斷雲歸一鴈征
暗巖朝石濕空山夜火明
低橋澗底渡狹路花中行
錦車同建節魚軒異泊榮
軍中女子氣塞外夫人城
小人乖攝養岐路阻逢迎
幾月芝田熟何年金竈成
哀笳關塞曲

嘶馬別離聲王子身為寶深思不倚衡

和趙王送從軍

前人

樓船聊習戰白羽試撓軍山城對却月岸陳底平雲赤
地懸弩影流星抱劍文胡笳遙警夜塞馬暗嘶羣客行
明月硤猿聲不可聞

軍師凱旋自邕州順流舟中 李嶠

鳴鞞入嶂口汎舸歷川湄尚想江陵陣猶疑下瀨師岸
迴帆影疾風送鼓聲遲萍葉沾蘭槳林花拂桂旗弓鳴

蒼隼落劒動白猿悲芳樹吟羌管幽篁入楚詞

一作祠全

軍多勝策無戰在明時寄謝山東妙長纓徒自期

平胡二章

并序

唐玄宗

戎羯不虔竊我荒服命偏師之浮剪彼應期而咸殄一

麾克定告捷相仍爰命是詩以言其志

集作爰作是詩聊以言志

雜虜忽猖狂無何敢亂常羽書朝繼入烽火夜相望將
出山門勇兵因死地強蒙輪皆突騎按劒盡鷹揚鼓角
雄山野龍蛇入戰場流膏潤沙漠濺血染鋒鉞霧廓清

玄塞雲開靜朔方武功今已立文德愧前王

二

邊服胡塵起長安漢將飛龍蛇開陣法貌武振軍威詐
虜腦塗地征夫血染衣今朝書奏入明日凱歌歸

奉和御製二首

裴灌

玄漠聖恩通由來書軌同忽聞窺月滿相聚冠雲中廟
畧占黃氣神兵出絳宮將軍行逐虜使者亦知戎一舉
輜輶減再麾沙朔空直將威禁暴非用武為雄飲至明

軍禮疇勲錫武功干戈還載戢文德在唐風

二

殊類驕無長王師示有征中軍纔授律妖寇已亡精斬
虜還遮塞綏降更築城從來攻必克天策振奇兵

同前

韓休

南牧正紛紛長河起塞氛王兵徵選士金鉞拜將軍疊
鼓遙邊吹連旌暗朔雲祆星乘夜落吉氣入朝分始見
幽烽警俄看烈火焚功成奏凱樂戰罷策歸勲盛德陳

清廟神謨屬大君叨榮逢姬伯率舞詠時文

夏日都門送司馬員外逸客孫員外佺北征

沈佺期

二庭追虜騎六月動周師廟畧天人授軍麾相國持復
言徵二妙才令重當時盡省連征橐橫門共別詞雲迎
出塞馬風卷渡河旗計日方夷寇旋聞杖杜詩

同前

時相王為元帥魏
大夫元忠為副

李 乂

日逐滋南寇天威撫北垂折珪行仗節持印且分麾羽

檄雙鳬去兵車
駟馬馳虎旗
懸氣色龍斂
抱雄雌
候月期
戡剪經時念
別離坐聞關
隴外無復引
弓兒

送兵還作

集作薊中作

高適

策馬自沙海上

集作長

驅登塞垣邊城高

集作向

蕭條白日

黃雲昏一到征戰處
每愁胡虜翻
豈無安邊書
諸將已承恩
惆悵孫吳事
歸來獨閉門

從軍北征

李益

天山雪後海風寒
橫笛偏吹行路難
磧裏征人三千萬

一時回向月中

集作明看

聽曉角

前人

繁霜一夜落平蕪
吹角當城片月孤
無數塞鴻飛不度
秋風卷入小單于

平戎

時諫官論比虜未回天德
軍師請收城備胡之際

趙嘏

邊聲一夜殷秋聲
牙帳連烽擁萬蹄
武帝未能忘塞北
仲舒纔足使膠西
冰橫曉渡胡兵合
雪滿窮沙漠漠迷

自古平戎有良策將軍不用倚雲梯

降虜

前人

廣武溪頭降虜稀一聲寒角怨金微
河湟不在春風地歌舞空裁雪夜衣
鐵馬半嘶邊草去狼煙高映塞鴻飛
揚雄尚白相如吃今日何人從獵歸

邊塞

於北平作

唐太宗

翠野駐戎軒盧龍轉征旆遙山麗如綺
長流縈似帶海

氣百重樓巖松千丈蓋茲焉可遊賞何必襄城外

和邊城秋氣早

李義甫

金微凝素節玉律應清葭邊馬秋聲急征鴻曉陣斜關
樹凋涼葉塞草落寒花霧暗長川景雲昏大漠沙溪深
路難越川平望超忽極望斷煙飄遙落驚蓬沒霜結龍
城吹水照龜林月日色夏猶冷霜華春未歇睿作高紫
宸分明映玄闕

冀北春望

崔液

回首覽燕趙春生兩河間曠然餘萬里際海不見山雨
歇青林潤煙空綠野閑問鄉無處所目送白雲關

邊愁

崔湜

九月蓬根斷三邊草葉腓風塵馬變色霜雪劒生衣客
思愁陰晚邊書驛騎歸殷勤鳳樓上還袂及春暉

早春邊城還歸

前人

大漢羽書飛長城未解圍山川凌玉障旌節下金微路
向南庭遠書因北鴈稀鄉關搖別思風雪故戎衣歲盡

仍為客春還尚未歸明年征騎返歌舞及芳菲

塞外三首

鄭 愔

塞外蕭條望征人此路賒邊聲亂朔馬秋引動胡笳遙
障侵歸日長城帶晚霞斷蓬飛古戍連鴈聚寒沙海暗
雲無葉山春雪作花丈夫期報主萬里獨歸家

二

荒壘三秋夕窮郊萬里平海陰凝獨樹日氣下連營戎
旆霜疑重邊裘夜更輕將軍猶轉戰都尉不成名折柳

悲春曲吹笳斷夜聲明年塞

一作漢

使返須築受降城

三

陽鳥南飛夜陰山北地寒漢家征戍客年歲在樓蘭玉
塞朔風起金河秋月團邊聲入鼓吹霜氣下旌竿海外
歸書斷天涯旅鬢殘子卿猶奉使恒向節旄看

邊秋薄暮

蘇頌

海外秋鷹繫霜前旅鴈歸邊風思鞞鼓落日慘旌麾浦
暗漁舟入川長獵騎稀客悲逢薄暮况乃事戎機

送張判官赴河西

王維

單車曾出塞報國敢邀勲見逐張征虜令思霍冠軍沙
平連白雪蓬卷入黃雲慷慨倚長劍高歌一送君

送元二使安西

前人

渭城朝雨裊輕塵客舍青青柳色新

集作春

勸君更盡一

盃酒西出陽關無故人

送劉司直赴安西

前人

絕域陽關道胡沙與塞塵三春時有鴈萬里少行人首

宿隨天馬蒲萄逐漢臣當令外國懼不敢覓和親

遼西作

崔顥

燕郊芳歲晚殘雪凍遼城四月青草合遼陽春水生胡

人正牧馬漢將日徵兵露重寶劍濕沙虛金鼓鳴寒衣

著已盡春服與誰

文粹作誰與

成寄語洛陽使為傳遼塞情

發臨洮赴北庭留別

岑參

聞說輪臺路年

集作連

年見雪飛春風曾

集作長

不到漢使

亦來

一作應

稀白草通疎勒青山過武威勤王不敢道遠

思

一作思向

夢中歸

此詩二百九十二卷重出前已削去注異同為

一作

磧西

集作石

題送李判官入京

前人

一身從遠使萬里向安西
漢月垂鄉淚胡沙損馬蹄
尋河愁地盡過磧覺天低
送子軍中飲家書醉裏題

過磧

前人

黃沙磧裏客行迷
四望雲天直下低
為言地盡天還盡

行到西安更向西

營州

高適

營州少年滿

集作
歌

原野狐

集作
皮

裘蒙茸獵城下魯酒千

盃不醉人胡兒十歲能騎馬

涼州

王之渙

黃河直上白雲間一片孤城萬仞山
羌笛何須怨楊柳春光不度玉門關

邊頭作

李端

邠郊泉脉動落日上城樓羊馬水草足羌胡帳幕稠
射鵬過海岸傳箭脅邊州何事歸朝將今年又拜侯

過五原至飲馬泉

集作監州胡
兒飲馬泉

李益

綠楊著水宛

集作
草

如煙舊是胡兒飲馬泉幾處吹笳明

月夜何時倚劒白雲天從來凍合關山路今日分流漢
使前莫遣行人照容鬢恐驚憔悴入新年

塞北行次度破訥沙

前人

眼見風來砂旋移經年不省草生時莫言

集作
無論

塞北無

春到

集作至

縱有春來何處知

上黃堆峰

集作峰堆

前人

心期紫閣山中月身過黃堆峰

集作堆峰

上雲年髮已從書

劍老戎衣更逐霍將軍

送客還幽州

前人

惆悵秦城送獨歸
薊門雲樹遠依依
秋來莫射南來鴈

從遣乘春

集作風

更北飛

此詩二百七十五卷重出前已削去

早發破訥沙

前人

破訥沙頭鴈正飛
鵬鷄泉上戰初歸
平明日出東南地
滿磧寒光生鉄衣

此詩二百九十三卷重出前已削去

宿金河戍

張震

朝發鐵麟驛
夕宿金河戍
奔波急王程
一日千里路
但見容鬢改
不知歲華暮
悠悠沙漠行
王事彌多故

邊詞

張敬忠

五原春色舊來遲二月垂楊未掛絲
即今河畔冰開日正是長安花落時

邊行書事

又玄集作塞上行

李昌符

朔野煙塵起天軍又舉戈陰風向晚急殺氣入秋多

又

集作莽蒼蘆關北孤城帳幙多客軍甘入陣老將望迴戈樹盡禽棲草冰堅路在河

汾陽無繼者

集作尋下世

離

集作羌

虜肯先和

近無西耗

李敬芳

遠戍兵壓境遷客淚橫襟烽候驚春塞縲囚困越吟自

憐牛馬走未識犬羊心一月無消息西居日又沉

送張司直往單于

于鵠

若過并州北誰人不憶家塞堡

一作深

無去伴路盡到平

沙磧冷唯逢鴈天春不見花莫隨邊將意垂老事輕車

邊思

楊衡

蘇武節毛盡李陵音信稀梅當隴上發人向隴頭歸

思遊邊友人

賈島

凝愁對孤燭昨日飲離杯葉下故人去天中新鴈來連

沙秋草薄帶雪暮山開苑北紅塵道何時見遠回

送友人遊塞

前人

飄蓬多塞下君見益潸然迴磧沙銜日長河水接天夜
泉行客火曉戍向京煙少結相思恨佳期芳草前

塞上行作

劉得仁

鄉井久離別窮邊觸目愁主人居外地塞雪下中秋鴈
舉之衡翅河渟入虜流將軍心莫苦向此取封侯

登臨洮望蕭關

李昌符

漸覺風沙暗蕭關欲到時兒童能探火婦女解縫旗川
絕銜魚鷺林多帶箭麋暫來戎馬地不敢苦吟詩

送友人出塞

姚鵠

帝城春色著寒梅去恨離懷醉不開

一作相

別欲將何

計免此行應又隔年回入河殘日鵬西盡卷雪驚蓬馬
上來有思莫忘清塞學衆傳君負佐王才

邊遊

項斯

古鎮門前候長安路在東天晴槐葉霧日暮葦花風塞

館皆無簞儒裝亦有弓防秋故鄉卒曾喜語音同

邊城寫眺

馬戴

聊凭危堞望暗起異鄉情塞曲闕防絕山昏霧露生河

灘胡鴈下戎壘漢聲

一作鼓

驚獨對殘秋色狂歌淚滿纓

送友人邊遊迴

薛能

一作馬戴

遊子新從絕塞迴自言曾上李陵臺樽前語盡北風起

秋色蕭條胡鴈來

送李湜出塞

前人

邊城官尚

集作句

惡況乃是羈遊別路應相

一作多

憶離亭

更少留黃沙人外闊飛雪馬前稠甚險穹廬宿無為過

代州

此詩二百八十一卷重出前已削去注異同為一

作

送友人出塞

前人

榆關早不可何況出榆關春草臨岐斷邊樓帶日閑人

歸穹帳外鳥發廢營間此地秋堪

集作堪愁

想霜前作意還

回中作

溫庭筠

莽莽雲空遠色愁鳴鳴戍角上高樓吳姬怨思吹雙管

燕客悲歌動

集作別

五侯千里關山邊草暮一星烽火朔

雲秋夜來霜重西風起隴水無聲凍

一作噎

不流

送人往北塞

李頻

上馬問雲中長川送北風日西身獨去山轉路無窮樹

隔高關斷沙連大漠空君看河外將早晚合平戎

代北言懷

喻坦之

困馬榆關北那堪落景催路行沙不絕風與雪兼來草
得春猶白鴻侵夏始迴行人莫遠入戍角有餘哀

書邊事二首

張喬

調角斷清秋征人倚戍樓春風對青塚白日落梁州大
漠無兵阻窮邊有客遊蕃情如此水長願向春流

二

萬里沙西寇已平犬羊羣外築空城分營夜火燒雲遠
教獵秋鵬掠草輕秦將力隨胡馬竭蕃河流入漢家清

羌戎不識干戈老須賀明時聖主明

送人遊邊

鄭谷

春亦怯邊遊此行風正秋別離逢雨夜道路向雲州
樹藏城遠河沙漾日流將軍方破虜莫惜獻良籌

京

集作涼

西即事

韓宗

秋草河蘭起陣雲涼州唯向管絃聞豺狼毳幕三千帳
貌虎金郊十萬軍候騎北來驚有說戍樓西望悔為文
昭陽亦待平安火誰握旌旗不見勲

邊思

周朴

年高來遠戍，白首罷干戎。
夜色薊門火，秋聲邊塞風。
磧浮悲老馬，月滿引新弓。
百戰山陰去，唯添上將雄。

邊庭送別

張蠩

一生雖達理，遠別亦相悲。
白髮無修處，青松有老時。
暮煙傳戍起，寒日隔沙垂。
若是長安去，何難定後期。

登單于臺

前人

邊兵春盡回，獨上單于臺。
白日地中出，黃河天上來。
沙

翻痕似浪風急響疑雷欲向陰關度陰關曉不開

過蕭關

前人

出得蕭關北儒衣不稱身隴狐來試客沙鶻下欺人曉
戍殘衙火晴原起獵塵邊戎莫相忌非是霍家親

薊北書事

前人

度磧如經海茫然但見空戍樓承落日沙塞礮驚蓬暑
過燕僧出時平虜客通逢人皆上將誰有定邊功

朔方書事

前人

秋盡角聲苦逢人唯荷戈城池向隴小岐路出關多鴈
遠行垂地烽高影入河仍聞黑山寇又覓漢家和

邊夜


羅隱

光景漂如流水生涯轉似萍鴈門窮朔路牛斗故鄉星地
盡人

一作書
罷愁

誰切歌終淚自零夜闌迴首算何處不長

亭



文苑英華卷二百九十九

欽定四庫全書

集部

文苑英華卷

三百二

詳校官太僕寺少卿_臣李廷欽

助教_臣常循覆勘

總校官進士_臣朱 鈐

校對官中書_臣趙秉淵

校對官中書_臣王鍾泰

謄錄監生_臣劉 田

謄錄監生_臣張 麟

欽定四庫全書

文苑英華卷三百

宋 李昉等 編

軍旅二

邊將六十四首

邊城將四首

吳 均

塞外何紛紛胡騎欲成羣爾時始應募來投霍將軍刀
舍四尺影劍抱七星文袖間血灑地車中旌拂雲輕軀
如未殞終當厚報君

二

僕本邊城將馳射靈闕下箭銜鴈門石氣振武安瓦勳
輕賞廢丘名高拜橫野留書應鑿楹傳功須勒社徒傾
七尺命酬恩終自寡

三

聞君報一餐遠送出平野玉標丹霞劒金絡艷光馬高
旗入漢飛長鞭歷地寫曙星海中出曉月山頭下歲晏

坐論功自有思

一作思

臣者

四

臨淄重蹋鞠曲城好擊刺不要身後名專騁眼前智君
看班定遠立功不負義掣拽二丈旗躑躅雙鳧騎但問
相知否死生無險易

送魏大從軍

陳子昂

匈奴猶未滅魏絳復從戎悵別三河道言追六郡雄鴈
山橫代北狐塞接雲中勿使燕然上獨有漢臣功

安輯嶺表事平罷歸

李嶠

雲端想京縣帝鄉如何見天涯望月臺海路幾悠哉六
月飛鵬去三年瑞雉來境遙銅柱出山險石門開自我
違瀍洛瞻途屢揮霍朝朝寒露多夜夜征衣薄白簡承
朝憲朱方撫夷落既宏天覆廣且諭皇恩博皇恩溢外
區憬俗詠來蘇聲朔臣天子壇場拜老夫絳營韜將畧
黃石請兵符返旆收龍虎空營集烏鳥日落澄氣藹憑
高視衿帶東甌抗于越南斗臨吳會春色遶邊陲飛花
出荒外卉服紛如積長川思遊客風生丹桂曉雲起蒼

梧夕去軸艤清江歸軒趨紫陌衣裳會百蠻賸賚委重
開不學金刀使空持寶劍還

送趙頤貞郎中試

集作赴

安西副大都護

張說

絕鎮功難立懸軍命匪輕復承遷相後彌重任賢情將
起神仙地才稱禮樂英長心堪繫虜短語足論兵日授
休門法星教置陣名龍泉恩已著集作署薦領相終成月
窟窮天遠河源入塞清老夫操別翰承旨頌營平

同餞陽將軍兼原州都督御史中丞

蘇頌

右地接龜沙中朝任虎牙然明方改俗去病不為家將
禮登壇盛軍容出塞華朔風搖漢鼓邊月思胡笳旗合
無邀正一作整冠危有觸邪當看榮旋日及此御溝花

送趙都護赴安西

張九齡

將相有更踐簡心良獨難遠圖長畫地超拜乃登壇戎
即崑山序車同渤海單義無中國廢情必遠人安他日

文兼武而君

集作今

粟且寬自然來月窟何用刺樓蘭南

去三冬曉

集作晚

西馳萬里寒封侯自有處征馬去嘽嘽

送趙都督赴戈州

得青字

王維

天官動將星漢地

集作址

柳條青萬里鳴刁斗三軍出井

陁忘身辭鳳闕報國取龍庭豈學書生輩窓中老一經

贈裴旻將軍

腰間寶劍七星文臂上瑠弓百戰勲見說雲中擒黠虜

始知天上有將軍

送趙都護赴安西

孫逖

外域分都護中臺命職方欲傳清廟畧為取劇曹郎已

佩登壇印猶懷伏奏香

一作章

百壺開祖餞駟牡結戎裝

青海連西夏黃河帶北涼關山瞻漢月戈劍宿胡霜體

國才先著論兵策復長果持文武術還繼晉

一作壯

常陽

送軍中

賀知章

常經絕脉塞復見斷腸流送子成今別令人起昔愁隴
雲晴半雨邊草夏先秋萬里長城寄無貽漢國憂

投贈哥舒開府翰二十韻 杜甫

今代麒麟閣何人第一功
君王自神武駕馭必英雄
開府當朝傑論兵邁古風
先鋒百勝在畧地兩隅空
青海傳飛集作無傳箭天山早挂弓
廉頗仍走敵魏絳已和戎
每

惜河湟棄新兼節制通知謀
垂眷想出入冠諸公日月
低秦樹乾坤遠漢宮
胡人愁逐北宛馬又從東
受命邊沙遠歸來御席同
軒墀曾寵鶴畋獵舊非熊
茅土加名數山河誓始終
策行宜戰伐契合動昭融
勲業青冥上

交親氣槩中未為珠履客已是白頭翁壯節初題柱生
涯獨轉蓬幾年春草歇今日暮途窮軍事留孫楚行間
識呂蒙防身一一作腰間有長劍聊集作將欲倚崆峒

送羽林陶將軍

李白

將軍出塞擁樓船江上旌旗拂紫烟萬里橫戈探虎穴
三杯拔劍舞龍泉莫道詞人無膽氣臨行將贈繞朝鞭
饒王將軍赴雲中

孟匡明

貳師憑廟略分閫佐元戎勢亞彤弓寵時推金印雄關

山橫代北旌節壯河東日轉前茅影春生細柳風飲水

君一作傳命速揮涕餞一作別筵空佇聽陰山靜誰爭萬里

功

送李大都護

常建

單于數不戰都護事邊深君執幕中祕能為高士心海
頭近初月磧裏多愁陰西望郭猶子將分淚滿襟

送單于裴都護赴西河

崔顥

征馬出翩翩秋城月正圓單于莫近塞都護欲臨邊漢

驛通烟火胡沙乏井泉功成須獻捷未必去經年

贈梁州張都督

前人

聞君為漢將虜騎不南侵出塞清沙漠還家拜羽林風
霜臣節苦歲月主恩深為語西河使知余報國心

古遊俠呈軍中諸將

前人

少年負膽氣好勇復知機杖劍出門去孤城逢合圍殺
人遼水去一作上走馬漁陽歸錯落金鎖甲蒙茸貂鼠衣

還家且行獵弓矢速如飛地迴鷹犬疾草深狐兔肥腰

間帶兩綬

一作
鞬

轉眄生光輝顧謂今日戰如何隨劍威

此詩三百三十三卷重出今已削去注異同為一

作

贈輕車

前人

悠悠遠行歸春日涉長道幽冀桑始青洛陽蠶欲老憶
昨戎馬地別時心草草烽火從北來邊城閉常早平生
少相遇未得展懷抱今日杯酒間見君交情好

送南特進歸行營

劉長卿

聞道軍書至揚鞭不問家虜雲連白草漢月到黃沙汗
馬河源飲燒羌隴抵遮翩翩新結束去逐李輕車

代邊將有懷

前人

少年辭魏闕白首向沙場瘦馬戀秋草征人思故鄉暮
笳吹塞月曉甲帶胡霜自到雲中郡于今百戰強

送人赴安西

岑參

上馬帶吳鉤翩翩度隴頭小來思報國不是愛封侯萬
里鄉為夢三邊月作愁早須平敵至無事莫經秋

贈劉將軍

韓翃

明光細甲照鋌鍛昨日承恩拜虎牙
膽大欲欺姜伯約功多不讓李輕車
青巾校尉遙相許黑綃將軍莫太誇
闕下來時親伏奏胡塵未盡不為家

送李將軍赴定州

郎士元

雙旌漢飛將萬里受橫戈
春色臨關盡黃雲出塞多
鼓輦悲絕漢烽戍隔長河
莫斷陰山路天驕已請和

代員將軍罷戰後歸里贈朔北故人

盧綸

結髮事疆場全生俱到鄉連營防鐵嶺同日破漁陽牧
馬胡天晚移軍磧路長枕戈眠古戍吹角立繁霜歸老
勲仍在酬恩慮未忘獨行過邑里多病對農桑雄劍依
塵席陰符寄藥囊空餘麾下將猶逐羽林郎

贈史開府

戴叔倫

南天胡馬獨悲嘶白首相逢話鼓鼙野戰頻年沙朔外
旌竿高與雪峯齊扁舟遠泛輕全楚落日愁看舊紫泥

早晚瑤階歸伏奏獨

一作猶

能畫地取關西

贈淮西賈兵馬使

已見二百五十七卷

晚秋贈張折衝

此公事制舉

薛業

都尉今無事時清但閉關夜霜戎馬瘦秋草射堂閑位以穿楊得名因折桂還馮唐真不過嘆息鬢毛斑

贈老將

權德輿

白草黃雲塞上秋曾隨驃騎出并州
輓轡劍折虬鬚白
轉戰功多獨不侯

奉使朔方贈郭都護

李華

絕塞臨光祿孤營佐貳師
鉄衣三月冷金鼓朔風悲
都護徵兵日將軍破虜時
揚鞭王關道迴首望旌旗

河原破賊後贈袁將軍

釋法震

白羽三千駐蕭蕭萬里行
出關深漢壘帶月破蕃營
蔓草河原色悲笳碎葉聲
欲朝王母殿前路駐高旌

贈張開府

耿緯

寥落軍城暮重城反照間
鼓鼙經雨暗士馬過秋閑
慣

守臨邊郡曾營近磧山誰云張校尉萬里鑿空還

代宋州將淮上乞師

唇齒相依危亡故郡歸身經百戰後家出數重圍上
將堅深壘殘兵闔落暉嘗聞鐵劍利早晚借餘威

上將軍行

前人

蕭關掃定犬羊羣閑閣層城白日曛樞上驂駟嘶鼓角
門前老將識風雲旌旗四面寒山映簫管千家靜夜聞
更想他時看竹帛功成不獨霍將軍

此詩二百五十四卷重出題作上裴行軍中丞詞
頗不同全載於此

贈隣家老將

楊巨源

白首羽林郎丁年戍朔方陰天瞻磧落秋日渡遼陽大
漠寒山黑孤城夜月黃十年依蓐食萬里帶金瘡拂雪
陳師祭衝風立教場箭飛瓊羽合旗動火雲張虎翼分
營勢魚鱗擁陣行誓心清塞色鬪血雜沙光戰地晴輝
薄軍門曉氣長寇深爭暗襲關迴勒春防身賤竟何訴

天高徒自傷功成封寵將力盡到貧鄉
雀老方悲海鷹衰却念霜空餘孤劍
在開匣一霜裳

征人

楊衡

西風屢鳴鴈東郊未昇日繁烟幕幕
昏暗騎蕭蕭出望雲愁玉塞眠月想
蕙質借問露沾衣何如香滿室

漁陽將

張籍

塞深沙草白都護領燕兵放火燒奚
帳分旗築漢城下營看嶺勢尋雪覺
人行更向桑乾北擒生問磧名

安西將

前人

萬里海西路茫茫邊草秋計程沙塞口望伴驛峯樓雪
暗非時宿沙深獨去愁塞鄉人易老莫住近蕃州

據張籍集安西將送邊使各是一詩今英華送邊
使詩已入二百九十七卷而此安西將一篇却誤
以送邊使詩充之今用集本釐正

征西將

前人

黃沙北風起夜半又離

集作翻

營戰馬雪中立探人冰上

行深山旗未展陰磧鼓無聲幾道征西將同收碎葉城

送防秋將

前人

白首征西將猶能射戟支元戎選部曲軍吏換旌旗逐虜招降遠開邊舊壘移重收隴外地應似漢家時

劍氣詞三首

姚合

聖朝能用將破敵速如神掉劍龍纏臂開旗火滿身積屍川有岸流血野無塵今日當場舞須

集作還

知是戰人

二

夜渡黃河水將軍險用師雪聲

集作光

偏著甲風力不禁

旗陣變龍蛇合軍雄鼓角知今朝意氣

集作重起

舞記得戰

酣時

三

破虜行千里三軍氣益

集作意氣

麤展旗遮日黑驅馬踏河

枯隣境求兵畧皇恩索陣圖元和太平日自古恐應無

送振武將軍

李 廓

葉葉歸邊騎風頭萬里乾金裝腰帶重錦絳耳衣寒蘆

酒燒蓬煖霜鴻撚箭看黃河古戍道秋雨白漫漫

老將

賈島

膽壯亂鬚白金瘡
靈百骸旌旗猶入夢
歌舞不開懷驚
雀來鷹架塵埃滿
箭數自誇勲業重
開府是官階

贈王將軍

前人

宿衛爐烟近
除書墨未乾
馬曾金鏃中
身有寶刀瘢
父子同時捷
君王畫陣看
何當為外帥
白日出長安

贈金河戍客

雍陶

慣獵金河路曾逢雪不迷射鵬青塚北走馬黑山西戍
遠旌幡少年深一作少年帳幕低酬恩須盡敵休說夢中閨

罷還邊將

前人

白鬚虜將話邊事自失公權怨語多漢主豈勞思李牧
趙王猶是一作自用廉頗新鷹飽肉唯閑獵舊劒生衣懶

更磨百戰無功身老去羨他年少渡黃河

贈邊將

姚鵠

三邊昔一作近日往來通盡是將軍鎮撫功兵統萬人為

上將威加千里懾

一作攝

西戎清笳遶塞吹寒月紅旆當

山肅曉風却恨北荒霑雨露無因掃盡虜庭空

邊將

馬戴

玉榼酒頻傾論功笑李陵紅韉跑駿馬金鏃掣秋鷹塞
迥連天雪河深徹底冰誰言提一劍勤苦事中興

送武陵王將軍

前人

河外今無事將軍有戰名艱難長劍閣功業少年成曉
仗親雲陞寒宵突禁營朱旗身外色玉漏耳邊聲開閣

談賓至調弓過鴈驚為儒多不達見學請長纓

贈蜀府將蠻入成都頗著功勞

溫庭筠

十年分散劒關秋萬事皆隨

一作從

錦水流志

一作心

氣已

曾明漢節功名猶尚帶

一作自帶

吳鈞鵬邊認箭寒雲重馬

上聽笳塞草秋今日逢君倍惆悵灌嬰韓信盡封侯

此詩二百六十一卷重出前已削去注異同為一

作

傷邊將

前人

昔年戎虜犯榆關一敗龍城足馬還
侯印不聞封李廣別人丘隴似天山

送魏尚書赴鎮州行營

張祐

河塞日駸駸恩酬報盡深
伍員忠是節陸績孝為心
坐激書生憤行歌壯士吟
慙非燕地客不得受黃金

贈邊將

張喬

將軍誇膽氣功在殺人多
對酒擎鍾飲臨風拔劍歌
翻

師平碎葉畧地取交河應笑孔門客年年羨四科

河湟舊卒

前人

少年隨將討河湟頭白時清返故鄉十萬漢兵零落盡
獨吹邊曲向殘陽

宴邊將

前人

一曲梁州今不清邊風蕭颭動江城坐中有老沙場客
橫笛休吹塞上聲

邊將二首

張蠩

歷戰燕然北功高劒有威聞名外國懼輕命故人稀角
怨星芒動塵愁日色微從為漢都護未得脫征衣

二

按劒立城樓西看極海頭承家為上將開地得邊州磧
迥兵難伏天寒馬易收胡風一度獵吹裂錦貂裘

邊將

羅鄴

馬上乘秋欲建勳飛狐夜鬪出師頻若無紫塞煙塵事
誰識青樓歌舞人戰骨沙中金鏃在賀筵花畔玉蟾新

由來邊卒皆如此只是君門合殺身

平陵老将

韋莊

白羽金僕姑腰懸雙轆轤前年葱嶺北獨戰雲中胡
正馬塞垣老一身如鳥孤歸來辭第宅却占平陵居

贈邊將

前人

昔因征遠向金微馬出榆關一鳥飛萬里只攜孤劍去
十年空逐塞鴻歸手招都護新降虜身著文皇舊賜衣
只待煙塵報天子壯心無事別無機

--	--	--	--	--	--	--	--

欽定四庫全書

卷三百

文苑英華卷三百

欽定四庫全書

文苑英華卷三百一

宋 李昉等 編

悲悼一

僧附

追述三十七首

沈約十首

陳子昂七首

張說五首

杜甫八首

高適四首

僧靈一三首

悼亡

見三百二卷

沈約

懷舊九首

傷王融

前人

元長秉奇調弱冠慕前踪
眷言懷祖武一簣望成峯
塗艱行易跌命舛志難逢
折風落迅羽流恨滿青松

傷謝朓

前人

吏部信才傑文風振奇響
調與金石諧思逐風雲上
宜言凌霜質忽隨人事往
尺璧爾何冤一日類聚作旦同丘壤

傷庾杲之

前人

右率馥時譽秀出冠朋僚聳茲千仞氣振此百尋條
藉含文雅散朗溢風飈楸櫟今已合容範尚昭昭

傷王湛

前人

長史體閑任坦蕩無外求持身非詭遇應物有虛舟
心從朋好盡形為歡宴留歡宴未終畢零落委山丘

傷虞炎

前人

東南旣擅美洛陽復稱才携手同歡宴比跡共遊
類聚作追
陪事隨短秀落言歸長夜臺

傷李珣之

前人

少府懷貞節忘軀欣

類聚作濟

所奉吏道勤不息繁文長自

擁既闕優孟歌身沒誰為寵

傷韋景猷

前人

韋叟識前載博物備戎華稅驂止營校淪跡委泥沙始
知庸聽局方悟大音賒

傷劉渢

前人

處和無近累天然有勝質蕭瑟負高情耿介懷秋實義

貴良為重蘭摧非所恤一罷平生言寧知携手日

傷胡諧之

前人

豫州懷風範綽然標雅度處約志不渝接廣情無忤顏
頡事刀筆紛綸遞朱素美志同山河浮年迫朝露

劉丘覽古贈盧居士藏用七首

并序

陳子昂

丁酉歲吾北征出自薊門歷觀燕之舊都其城池霸業
迹已蕪昧矣乃慨然仰歎憶昔樂生鄒子羣賢之游盛

矣因登薊丘

集作樓

作七詩以志之寄終南盧居士亦有

軒轅之遺跡也

軒轅臺

前人

北登薊丘望求古軒轅臺應龍已不見牧馬空

集作生

黃

埃尚想廣成子遺跡白雲隈

燕王

前人

南登碣石館遙望黃金臺丘陵盡喬木昭王安在哉霸圖悵已矣驅馬復歸來

樂生

前人

王蕩已淪昧戰國競貪兵樂生何感激仗義下齊城雄圖竟中天遺歎寄阿衡

燕太子

前人

秦王日無道太子怨亦深一聞田光義匕首贈千金其事雖不立千載為傷心

田光先生

前人

自古皆有死循義良獨稀奈何燕丹

集作太

子尚使田公

集作光

疑伏劍誠已矣感我涕霑衣

鄒衍

前人

大運淪三代天人罕有窺鄒生何遼

集作寥

廓謾說九瀛

垂興亡已千載今也則無推

郭隗

前人

逢時獨為貴歷代非無才隗君亦何幸遂起黃金臺

五君詠

達志美類刺義感興哀
事顧氏之心也凝焉

張說

齊公魏元忠

前人

齊公生人表迴天聞鶴喚清論早揣摩玄心晚超詣入
相廊廟靜出軍沙漠霽見深呂祿憂舉後陳平計甘心
除君惡足以報先帝

許公蘇瓌

前人

許公信國禎克美具瞻情百事資朝問三章廣世程處
高心本有臨節自為名朱戶傳新戟青松拱舊塋淒涼
丞相府餘慶在元成

趙公李嶠

前人

李公實神敏才華乃天授睦親何用心處貴不忘舊故
事遵臺閣新詩冠宇宙在人忠所奉惡我誠將宥南浦

去無

集作莫

歸嗟嗟茂猗秀

代公郭元振

前人

代公舉鵬翼懸飛摩海霧志康天地屯適與雲雷遇興
喪一言決安危萬心注大勲書王府舛命淪江路勢傾
北夏門哀靡東平樹

耿公趙彥昭

前人

耿公山岳靈才傑心亦妙鷲鳥峻標立哀玉扣清調叶
贊休明啓恩華日月照何意瑤臺雪風吹落江徼湘流
下潯陽灑淚一投弔

八哀詩

並序

杜甫

傷時盜賊未息興起王公李公嘆舊懷賢終於張相國
八公前後存沒遂不詮次焉

贈司空王公

思禮

前人

司空出東夷童稚刷勁翮追隨燕薊兒穎銳

一作脫

物不

隔服事哥舒翰意無流沙磧未甚拔行間大戎大充斥

短小精悍姿屹然強寇敵貫穿百萬衆出入由咫尺馬

鞍懸將首甲外控鳴鏑洗劍青海水刻銘天山石九曲

非外蕃其王轉深壁飛兔不近駕驚鳥資遠擊

晚學集作

曉達兵家流飽聞春秋癖胷襟日沉靜肅肅自有適潼關

初潰散萬乘猶辟易偏裨無所施元帥見手格太子入

朔方至尊狩梁益胡馬纏伊洛中原氣甚逆肅宗登寶

位塞望勢敦迫公時徒步至請罪將厚責際會清河公

房太尉

問道傳玉冊天王拜跪畢謹議果氷釋翠華卷飛

雪

一作飛雪中

熊虎亘阡陌屯兵鳳凰山帳殿涇渭關金城

賊咽喉詔鎮雄所搃禁暴靜

一作清

無雙爽氣春浙漉蒼

有從公歌野多青青麥及夫哭廟後復領太原役恐懼

祿位高悵望王土窄不得見清時嗚呼就寔窳永繫五

湖舟悲甚田橫客千秋汾晉間事與雲水白昔觀文苑

傳宣述廩頗跡

集作蘭續

嗟嗟鄧大夫士卒終倒戟

故司徒李公

光弼

前人

司徒天寶末北收晉陽甲胡騎攻吾城愁寂意不愜人
安若泰山薊北斷右脅朔方氣乃蘇黎首見帝業二宮
泣西郊九廟起顏歷未散河陽卒思明偽臣妾復自碣
石來火焚乾坤獵高視笑祿山公又獻大捷

集作大
獻捷

異

王冊崇勲小敵信所怯擁兵鎮河汴千里初安帖青蠅
紛營營風雨秋一葉內省未入朝死淚終映睫大屋去
高棟長城掃遺堞平生白羽扇零落蛟龍匣雅望與英

姿惻愴槐里接三軍晦光彩烈士痛稠疊直筆在史臣
將來洗箱篋吾思哭孤冢南紀阻歸櫟扶藟永蕭條未
濟失利涉疲恭竟何人灑淚

集作涕

巴東峽

贈左僕射鄭國公嚴公武 前人

鄭公瑚璉器華嶽金天晶昔在童子日已聞老成名嶷
若

集作然

大賢後復見秀骨清開口取將相小心事友生

閱書百氏

集作紙

盡落筆四座驚歷職匪父任嫉邪常力

爭漢儀尚整肅胡騎忽縱橫飛傳自河隴逢人問公卿

不知萬乘

集作
乘與

出雪涕風悲鳴受詞劍閣道謁帝蕭關

城寂寞雲臺仗飄飄沙塞旌江山少使者笳鼓凝皇情

壯士血相視忠臣氣不平密論貞觀體揮發岐陽征感

激動四極睽翩收二京西郊牛酒再九廟

集作
原廟

丹青明

匡汲俄寵辱衛霍竟哀榮四登會府地三掌華陽兵京

兆空柳色尚書無履聲羣鳥自朝夕白馬休橫行諸葛

蜀人愛文翁儒化成公來雪山重公去雪山輕記室得

何遜韜鈴延子荆四郊失壁壘虛館開逢迎堂上指圖

畫軍中吹玉笙豈無成都酒憂國祇細傾時觀錦水釣
問俗終相并意待犬戎滅人藏紅粟盈以茲報主願庶
獲集作禪世程炯炯一心在沈沈二豎嬰顏回竟短折
賈誼徒忠貞飛旄出江漢孤舟轉荆衡虛無馬融笛悵
望龍驤塋空餘老賓客身上愧簪纓

贈太子太師汝陽郡王

璉

前人

汝陽讓帝子眉宇真天人虬鬚似太宗色映塞外

一作寒夜

春往者開元中主恩視遇頻出入獨非時禮異見羣臣

愛其謹潔極倍此骨肉親從容聽朝後或在風雪晨思

欲

集作忽思

格猛獸苑囿騰清塵羽旗動若一萬馬肅駢駢

詔王來射鴈拜命已挺身箭出

集作發

飛鞬內上又

一作入

迴翠麟翻然紫塞翻下拂明月輪胡人雖獲多天笑不

為新王每中一物手自與金銀袖中諫獵書扣馬久上

陳竟無銜厯虞聖慈

一作聰

矧多仁官免供給費水有在

藻鱗匪惟帝老大皆是王忠勤晚年務置醴門引申白

賓道大容無能永懷侍芳茵好學尚貞烈義形必沾巾

揮翰綺綉揚篇什若有神川廣不可泝墓久孤兔隣宛

彼漢中郡

王弟漢中郡王瑀

文雅見天倫何以開我悲泛舟俱

遠津溫溫昔風味少壯已書紳舊遊易磨滅衰謝多

一作

增酸辛

贈秘書監江夏李公

邕

前人

長嘯宇宙間高才日淪替古人不可見前輩復誰繼憶
昔李公存詞林有根抵聲華當健筆洒落富清製風流
散金石追琢山嶽銳情窮造化理學貫天人際干謁走

其門碑版照四裔各滿深望還森然起凡例蕭蕭白楊
路洞徹寶珠惠龍宮塔廟湧浩劫浮雲衛宗儒俎豆事
故吏去思計眇眇已皆虛跋涉曾不泥向來映當時豈
獨勸後世豐屋珊瑚鉤麒麟織成罽紫駟隨劔几義取
無虛歲分宅脫驂間感激懷未濟衆歸賙給美擺落多
藏穢獨步四十年風聽九臯唉嗚呼江夏姿竟掩宣尼
袂往者武后朝引用多寵嬖否臧太常議面折二張勢
衰俗凜生風排溢秋旻霽忠貞負怨

集作
冤

恨宮闕深旒

綴放逐早聯翩低垂困炎厲日斜鵬鳥入魂斷蒼梧帝

榮

集作策

枯走不暇星駕無安稅幾分漢庭竹夙擁文侯

簞終悲洛陽獄事近小臣斃禍階初負謗易力何深瘳

伊昔臨淄亭酒酣託末契重叙東都別朝陰改軒砌論

丈到崔蘇指畫流水逝近伏盈川雄

楊公炯

未甘特進麗

李公

是非張相國

張公說

相扼一危脆爭名古豈然關鍵

歛不閉例及吾家詩曠懷掃氛翳慷慨嗣真作

和李大夫

咨

嗟玉山桂鍾律儼高懸鯤鯨噴迢遞坡陀青州血蕪沒

汶陽瘞哀贈竟

集作晚

蕭條恩波延揭厲子孫在

集作存

如

綫舊客舟凝滯君臣尚論兵將帥接燕薊朗詠六公篇

公有張相等五王泊狄相六公詩

憂來豁蒙蔽

關鍵

集作捷廣運通用

故秘書少監武功蘇公

源明

前人

武功少也孤徒步客徐兗讀書東嶽中十載考墳典時

下萊蕪郭忍飢浮雲嗽負米晚為身每食膾必泣夜宇

照蕪薪垢衣生

一作帶

碧蘚庶以勤苦志報茲劬勞願學

蔚醇儒安文包舊史善灑落辭幽人歸來潛京輦射君

東堂策宗匠集精選制題

集作命題

墨未乾休聲

集作乙科

已大

聞文章日自負掾吏亦累踐晨趨閭闔內足踏夙昔趼

一麾出守還黃屋朔風卷不暇陪八駿虜庭悲所遣平

生滿樽酒斷此朋知展憂憤病二秋有恨石可轉肅宗

復社稷得無逆順辨范曄

宋書范曄生謀反誅將死顧念具兒英華作范雲恐非

顧其兒李斯憶黃犬秘書茂松色

集作意

再扈

集作載從

祠壇

埤前後百卷文枕藉皆禁嚮篆刻

集作制作

揚雄流溟漲本

末淺青瑩芙蓉劍犀兕豈獨割反為後輩褻予實苦懷

緬煌煌齋房芝事絕

集作終

萬手摩挲之俟來者正始貞

集作微

勸勉不要懸黃金胡為投乳贅結交三十年

集作載

吾與誰遊衍焚陽復冥漢罪罟已橫胃

鄭詩在後

嗚呼子逝

日始泰即終蹇長安米萬錢凋喪盡餘喘戰伐何當解
歸帆阻清沔尚纏漳水疾永負蒿里餞

故著作郎貶台州司戶滎陽鄭公度前人

鷄鵠至魯門不識鐘鼓響孔翠望赤霄愁思雕籠養滎

陽冠衆儒早聞名公賞地崇士大夫况乃氣精清

集作清

爽

往者公初在疾蘇許公遜位尊望重素未相識
早愛才名躬自哀問後結忘年之契遠近慕之天然生

知姿學立遊夏上神農或闕漏黃石媿師長藥纂西極

名兵流指諸掌

公所著薈等諸書之外有選胡本草七卷

貫穿無遺恨薈

叢何技瘡圭杲星經輿蟲篆丹青廣字雲窺未遍方朔

諧太枉神翰顧不一體變鍾蕪兩文傳天下口大字猶

在榜昔獻書畫圖新詩亦俱往滄洲動玉陛

集作塔

宮

集作

騫鶴設一響三絕自御題四方尤所仰嗜酒益踈放彈

琴視天壤形骸實土木親近唯几杖未曾記

一作寄

官曹

突

集作陶

兀倚書幌晚就芸香閣胡塵昏垓莽反覆歸聖

朝點染無滌盪老蒙台州掾遐泛

集作泛泛

浙江漿履穿四

明雪飢拾櫛溪橡空聞紫芝歌不見杏壇丈天長眺東

南秋色餘颺颺別離慘至今斑白徒懷曩春深泰山秀

葉墜清渭朗劇談王侯門野稅林下鞅操紙終夕酣時

物集遐想詞場竟踈濶平昔濫吹獎百年見存沒牢落

吾安放蕭條阮咸在出處同世網他日訪江樓含悽述

飄蕩

著作與今秘書監鄭君審篇翰齊價謫居江陵故有阮咸江樓之句

故右僕射相國曲江張公

九齡

前人

相國生南紀金璞無留礦仙鶴下人間獨立霜毛整矯

然江海

一作漢

思復與雲路永寂寞想土堦未遑

集作嘗

等

箕穎上君白玉堂倚君金華省碣石歲崢嶸天地日蛙

黽退食吟大庭何心記榛梗骨驚畏曩哲鬚變負人境

雖蒙換蟬冠右地慙多幸敢忘二疏歸痛迫蘓耽井金

紫

集作紫綾

映莫年荊州謝所領庾公興不淺黃霸鎮每靜

賓客引調同諷詠在務屏詩罷地有餘篇終語清省一

陽發陰管淑氣含公鼎乃知君子心用才文章境散帙
起翠螭倚薄巫廬並綺麗元暉擁牋誅任昉騁自成一

家則未闕隻字警千秋滄海南名繫朱鳥影歸與

集作老

守故林戀闕常

集作情

延頸波濤良史筆蕪絕大庾嶺向

時禮數隔製

集作制

作難上請再續徐孺碑猶思理煙艇

三君詠

並序

高適

見文粹

開元中適遊於魏郡郡北有故太師魏公舊館里有
故尚書郭公遺業邑外有故太守狄公生祠焉覩物增

懷遂為三君詠

魏鄭公

徵

前人

鄭公經綸日隋氏風塵昏濟代取高位逢時敢直言道
光先帝業義激舊君恩寂寞卧龍處英靈千載魂

郭代公

元振

前人

代公實英邁津涯浩難識擁兵抗矯徵仗節歸有德縱
橫負才智顧眄安社稷流落勿重陳懷哉為悽惻

狄梁公

仁傑

前人

梁公乃貞固勲烈垂竹帛昌言太后朝潛運儲君

文粹作皇

策待賢開相府共理登方伯至今青霄

文粹作雲

人猶是門

下客

安公

僧靈一

彌天稱聖哲象法初繫賴弘道識行藏匡時知進退秦
王輕與舉習生重酬對學文古篆中義顯新經內法服
應華夏金言流海岱四方浮雲間更陪龍華會

林公

前人

丈公信高逸久向山林住時將孫許遊豈以形骸遇幸
辭天子詔復覽名臣疏西晉尚虛無南朝久淪悞因談
老莊意乃盡逍遙趣誰謂竹林賢風流相比附

遠公

前人

遠公逢道安一朝棄儒服真機久消歇世教空拘束誓
入羅浮中遂棲廬山曲禪經初纂定佛語新明目鉢帽
紀疑朝宗簪裾翻拜伏東林多隱士為我辭榮祿

文苑英華卷三百一